

Na osnovu člana 10. Odluke o uslovima, kriterijima i postupku dodjele sredstava za sufinansiranje mjera poboljšanja energijske efikasnosti i smanjenja aerozagađenja na području grada Tuzle („Službeni glasnik Grada Tuzla“, broj 6/26) Grad Tuzla, **dana 06.05.2026. godine**, objavljuje:

**JAVNI POZIV**  
**za dodjelu sredstava za sufinansiranje mjera poboljšanja energijske efikasnosti**  
**i smanjenja aerozagađenja na području grada Tuzle**

**I PREDMET JAVNOG POZIVA**

Predmet javnog poziva je dodjela sredstava iz Budžeta Grada Tuzle fizičkim licima za sufinansiranje mjera poboljšanja energijske efikasnosti i smanjenja aerozagađenja.

Pod mjerama poboljšanja energijske efikasnosti i smanjenja aerozagađenja koje su predmet sufinansiranja podrazumijevaju se:

- a) nabavka i ugradnja toplotnih pumpi,
- b) „utopljanje“ objekata u vidu nabavke i ugradnje materijala za izolaciju vanjskih zidova i tavanice objekata i nabavke i ugradnje vanjske stolarije,
- c) nabavka i ugradnja kompaktnih toplinskih podstanica – KTP i
- d) nabavka i ugradnja solarnih fotonaponskih panela za napajanje toplotne pumpe.

**II PREDMET PRIJAVE NA JAVNI POZIV**

**Predmet prijave na javni poziv su individualni stambeni i individualni stambeno-poslovni objekti koji za zagrijavanje objekta kao energent koriste fosilna goriva, izuzev individualnih stambenih i individualnih stambeno-poslovnih objekata u obuvatu zona toplifikacije usvojenih od strane Gradskog vijeća Grada Tuzle za koje se može osigurati načelna saglasnost JKP Centralno grijanje dd Tuzla za priključenje na sistem daljinskog grijanja, i koji nisu priključeni na sistem daljinskog grijanja. Individualni stambeni i individualno stambeno-poslovni objekti koji kao sistem zagrijavanja koriste toplotne pumpe mogu biti predmet prijave na javni poziv za dodjelu sredstava za sufinansiranje mjere nabavke i ugradnje solarnih fotonaponskih sistema za napajanje toplotne pumpe.**

Individualni stambeni i individualni stambeno-poslovni objekti koji se nalaze u obuhvatu zona toplifikacije usvojenih od strane Gradskog vijeća Grada Tuzla i za koje se može osigurati načelna saglasnost JKP „Centralno grijanje“ d.d. Tuzla za priključenje na sistem daljinskog grijanja mogu biti predmet prijave na javni poziv za dodjelu sredstava za sufinansiranje mjere nabavke i ugradnje kompaktnih toplinskih podstanica - KTP ili mjere „utopljanje“ objekata.

Individualni stambeni i individualni stambeno-poslovni objekti koji se ne nalaze u obuhvatu zona toplifikacije usvojenih od strane Gradskog vijeća Grada Tuzla i za koje se ne može osigurati načelna saglasnost JKP „Centralno grijanje“ d.d. Tuzla za priključenje na sistem daljinskog grijanja mogu biti predmet prijave na javni poziv za dodjelu sredstava za sufinansiranje mjere nabavke i ugradnje toplotnih pumpi ili „utopljanje“ objekta ili nabavka i ugradnja solarnih fotonaponskih sistema za napajanje toplotne pumpe.

**III IZNOS SREDSTAVA ZA SUFINANSIRANJE**

Dodjela sredstava za sufinansiranje mjera poboljšanja energijske efikasnosti i smanjenja aerozagađenja vrši se u sljedećim iznosima:

- a) do 50% od vrijednosti nabavke i ugradnje toplotne pumpe, a ne više od 6.000,00 KM (ukoliko je lice korisnik stalne novčane pomoći do 90%, a ne više od 10.800,00 KM),
- b) do 50% od vrijednosti nabavke i ugradnje materijala za izolaciju vanjskih zidova, tavanice i nabavke i ugradnje vanjske stolarije, a ne više od 6.000,00 KM (ukoliko je lice korisnik stalne novčane pomoći do 90%, a ne više od 10.800,00 KM),
- c) do 50% od vrijednosti nabavke i ugradnje KTP-a, a ne više od 5.500,00 KM (ukoliko je lice korisnik stalne novčane pomoći do 90%, a ne više od 9.900,00 KM) i
- d) do 50% od vrijednosti nabavke i ugradnje solarnih fotonaponskih panela za napajanje toplotne pumpe, a ne više od 6.000,00 KM (ukoliko je lice korisnik stalne novčane pomoći do 90%, a ne više od 10.800,00 KM).

U okviru iznosa iz podtački a) i b), Grad Tuzla će finansirati troškove izvršenog energijskog pregleda/audita objekta u iznosu do 50%, a ne više od 200,00 KM (ukoliko je lice korisnik stalne novčane pomoći do 90%, a ne više od 360,00 KM), osim u slučaju kada podnosilac prijave odustane od prijave, u kojem slučaju sam snosi navedene troškove.

#### **NAPOMENA:**

U toku jedne budžetske godine podnosilac prijave može prijaviti samo jedan objekat i ostvariti pravo na sufinansiranje samo jedne mjere.

Ukoliko se objekat koji je predmet prijave na javni poziv nalazi u suvlasništvu, samo jedan od suvlasnika se može prijaviti na javni poziv u toku jedne budžetske godine.

U toku jedne budžetske godine raspoloživa sredstva se ravnomjerno raspoređuju za sufinansiranje mjera koje su predmet ovog javnog poziva.

U slučaju neutroška cjelokupnog raspoloživog iznosa sredstava za sufinansiranje neke od mjera, neutrošeni dio sredstava će se ravnomjerno rasporediti za sufinansiranje preostalih mjera.

Ukoliko ukupan iznos sredstava potreban za sufinansiranje u propisanim maksimalnim iznosima neke od mjera koje su predmet ovog javnog poziva, za sve podnosiocce prijava koji ispunjavaju uslove za dodjelu sredstava, bude veći od raspoloživog iznosa sredstava u Budžetu Grada Tuzle za tu mjeru, izvršit će se srazmjerno smanjenje pojedinačnih maksimalnih iznosa sredstava za sufinansiranje te mjere, kako bi svi podnosioci prijave koji su ispunili uslove javnog poziva ostvarili pravo na sufinansiranje.

Korisnik sredstava kome su po ranijim javnim pozivima Grada Tuzle ili nadležnog kantonalnog ministarstva dodijeljena sredstva za sufinansiranje nabavke i ugradnje peći na pelet, može aplicirati za dodjelu sredstava za sufinansiranje bilo koje druge mjere, s tim da će mu se iznos sredstava koji mu se dodjeljuje za sufinansiranje mjere nabavke i ugradnje KTP, umanjiti za iznos dodijeljen po ranijim javnim pozivima Grada Tuzle ili nadležnog kantonalnog ministarstva za sufinansiranje nabavke i ugradnje peći na pelet.

#### **IV POTREBNA DOKUMENTACIJA**

Uz ispunjen i potpisan prijavni obrazac, podnosilac prijave je dužan dostaviti i sljedeću dokumentaciju kojom dokazuje da ispunjava uslove za dodjelu sredstava za sufinansiranje mjera poboljšanja energetske efikasnosti i smanjenja aerozagađenja:

- a) PBA-4 obrazac izdat od MUP TKa (original) ili na prijavnom obrascu navesti JMB;
- b) zemljišnoknjižni izvadak izdat od strane Općinskog suda u Tuzli ili posjedovni list izdat od strane Službe za geodetske i imovinsko-pravne poslove, evidenciju i upravljanje imovinom Grada Tuzla, za objekat koji je predmet prijave na javni poziv, odnosno za parcelu na kojoj je izgrađen objekat koji je predmet prijave na javni poziv ukoliko se radi o objektu koji nije uplanjen (ukoliko je objekat ili zemljište u suvlasništvu ili suposjedu uz zemljišnoknjižni izvadak ili posjedovni list potrebno je dostaviti ovjerenu izjavu suvlasnika ili suposjednika kojom se daje saglasnost podnosiocu prijave za implementaciju mjere u objektu koji je predmet prijave na javni poziv - Izjava 2 koja je prilog ovog javnog poziva);
- c) uvjerenje o podacima iz evidencije baze podataka Adresnog registra izdato od strane Službe za geodetske i imovinsko-pravne poslove, evidenciju i upravljanje imovinom Grada Tuzla, u svrhu utvrđivanja tačne adrese i kućnog broja objekta koji je predmet prijave na javni poziv, kao i sa svim podacima o eventualnim promjenama adrese i renumeracije kućnog broja;
- d) fotokopiju računa za uslugu snabdijevanja električnom energijom za period od najmanje 3 mjeseca prije objave javnog poziva (za februar, mart i april 2026. godine), u iznosu ne manjem od 100 kWh mjesečno (ostvarena potrošnja u kWh mora biti jasno vidljiva na dostavljenim računima) **(Dokaz ne predstavlja potvrda o plaćenim računima);**
- e) ovjerenu izjavu vlasnika ili posjednika kojom se daje saglasnost podnosiocu prijave za implementaciju mjere u objektu koji je predmet prijave na javni poziv - Izjava 2 koja je prilog ovog javnog poziva **(dostavlja se ukoliko podnosilac prijave nije vlasnik ili posjednik objekta koji je predmet prijave na javni poziv, odnosno parcele na kojoj je izgrađen objekat koji je predmet prijave na javni poziv ukoliko se radi o objektu koji nije uplanjen);**

- f) ovjerenu izjavu podnosioca prijave kojom potvrđuje da u proteklom periodu nije koristio sredstva iz Budžeta Tuzlanskog kantona ili drugog nivoa vlasti u BiH namijenjena za implementaciju mjere koja je predmet prijave na javni poziv, te kojom se obavezuje da po izvršenoj ugradnji toplotne pumpe ili „utopljavanje“ objekta (u zavisnosti na koju se od navedenih mjera odnosi prijava na javni poziv), neće koristiti uređaj za zagrijavanje objekta sa pogonom na fosilna goriva, kao i da će Komisiji za pregled implementiranih mjera osigurati pristup objektu u cilju pregleda implementirane mjere i u cilju utvrđivanja eventualnog nepostupanja u skladu sa obavezom nekorištenja uređaja za zagrijavanje sa pogonom na fosilna goriva po izvršenoj ugradnji toplotne pumpe ili „utopljavanje“ objekta (Izjava 1 koja je prilog ovog javnog poziva);
- g) fotografije (u boji) vanjskog izgleda objekta sa prikazom svih vidnih fasadnih ploha u boji koji je predmet javnog poziva iz kojih je vidljivo da je objekat strukturno ispravan, to jest nema strukturalna oštećenja koja mogu ugroziti integralnu stabilnost objekta nakon implementacije mjera povećanja energijske efikasnosti (fotografije objekta izraditi u minimalno 4 primjerka sa kojih će biti vidljive sve strane objekta i spratnost objektam orijentacija: sjever, jug, istok i zapad, na fotografijama mora biti vidljiv datum koji ne smije biti stariji od tri mjeseca od objave javnog poziva).

**Adresa podnosioca prijave mora biti identična adresi na PBA4 obrascu, ZK izvatku/posjedovnom listu i računima za električnu energiju.**

**Podnosilac prijave je dužan dokaz iz tačke IV, podtačke (b) i (c) javnog poziva dostaviti u originalu ili ovjerenoj fotokopiji i isti ne smije biti stariji od 3 mjeseca, a izjave iz tačke IV, podtačke (e) i (f) javnog poziva, u formi izjava ovjerenih kod nadležnog organa.**

Obrazac prijave na javni poziv i obrasci izjava iz tačke IV javnog poziva (“Izjava 1” i “Izjava 2”) su u prilogu ovog javnog poziva i podnosioci prijave iste mogu preuzeti u Centru za pružanje usluga građanima (šalter sala Grada Tuzle) ili na zvaničnoj web stranici Grada Tuzla ([grad.tuzla.ba](http://grad.tuzla.ba)).

**Podnosioci prijave dužni su dostaviti svu dokumentaciju iz ove tačke javnog poziva, bez obzira na mjeru za koju apliciraju.**

**Sve navedeno u tekstu javnog poziva u pogledu općih i posebnih uslova za dodjelu sredstava za sufinansiranje mjera, dokaza o ispunjavanju općih i posebnih uslova za dodjelu sredstava, kao i načina i postupka dodjele sredstava za sufinansiranje mjera koje su predmet ovog javnog poziva, primjenjuje se i na korisnike stalne novčane pomoći.**

**NAPOMENA:**

Dokaz o prijavljenom prebivalištu na adresi objekta koji je predmet prijave na javni poziv najmanje 3 mjeseca prije objave javnog poziva (ukoliko korisnik ne dostavi PBA-4 obrazac uz prijavu na javni poziv), dokaz o postojanju tehničke mogućnosti za priključenje na sistema daljinskog grijanja i dokaz da je podnosilac prijave korisnik stalne novčane pomoći Grad Tuzla pribavlja po službenoj dužnosti.

**Dokaz o energijskom pregledu/auditu objekta koji je predmet prijave na javni poziv za nabavka i ugradnja toplotne pumpe ili “utopljavanje” objekta, izvršen od strane ovlaštenog lica u skladu sa Zakonom o energijskoj efikasnosti u Federaciji Bosne i Hercegovine (“Službene novine Federacije BiH”, broj: 22/17) i Uredbom o provođenju energijskih audita i izdavanju energijskog sertifikata („Službene novine Federacije BiH“, broj 87/18), koji uključuje predmjer i predračun radova koji su predmet predloženih mjera, podnosioci prijave dužni su dostaviti u roku do 60 dana, računajući od dana objave preliminarnih listi kojima se utvrđuje ispunjavanje uslova iz ove tačke javnog poziva.**

Informaciju o licima ovlaštenim za vršenje energijskog pregleda/audita objekta zainteresovana lica mogu dobiti u Federalnom ministarstvu prostornog uređenja, putem telefona +387 33 726 516, ili putem linka <https://fmpu.gov.ba/energetska-efikasnost/registar/>.

**Dokaz o elektroenergetskoj saglasnosti za objekte koji su predmet prijave na javni poziv za nabavku i ugradnju solarnih fotonaponskih sistema za napajanje toplotne pumpe), koja se pribavlja od strane operatora distributivnog sistema (nadležna podružnica elektrodistribucije), podnosioci prijava dužni su dostaviti u roku do 60 dana, računajući od dana objave preliminarnih listi kojima se utvrđuje ispunjavanje uslova iz ove tačke javnog poziva.**

**Smatra se da je podnosilac prijave odustao od prijave na javni poziv ukoliko u roku do 60 dana od dana objave preliminarnih listi ne dostavi dokaz o energijskom pregledu/audit, odnosno ne dostavi dokaz o elektroenergetskoj saglasnosti, objekta koji je predmet prijave na javni poziv.**

Po utvrđivanju ispunjavanja općih uslova za dodjelu sredstava, Komisija za provođenje postupka po javnom pozivu za dodjelu sredstava sačinjava konačnu rang listu podnosilaca prijava koji ispunjavaju uslove za dodjelu sredstava za sufinansiranje nabavke i ugradnje KTP.

Po utvrđivanju ispunjavanja općih uslova za dodjelu sredstava, uzimajući u obzir izjašnjenja podnosilaca prijava na prijavnom obrascu po pitanju mjere za koju apliciraju, Komisija za provođenje postupka po javnom pozivu za dodjelu sredstava sačinjava preliminarne liste podnosilaca prijava po javnom pozivu za dodjelu sredstava za sufinansiranje mjere nabavke i ugradnje toplotne pumpe, za „utopljavanje“ objekata i za nabavku i ugradnja solarnih fotonaponskih sistema za napajanje toplotne pumpe.

Po dostavljanju dokaza o izvršenom energijskom pregledu/audit, odnosno elektroenergetske saglasnosti, u roku od 60 dana od dana objave preliminarnih listi i davanju prethodne saglasnosti na energijski pregled/audit, odnosno na elektroenergetsku saglasnost, od strane Komisije za pregled implementiranih mjera, Komisija za provođenje postupka po javnom pozivu za dodjelu sredstava, u skladu sa članom 9. Odluke o dodjeli sredstava za sufinansiranje mjera poboljšanja energijske efikasnosti i smanjenja aerogađenja na području grada Tuzle („Službeni glasnik Grada Tuzla“, broj 6/26), (u daljem tekstu: Odluka) sačinjava konačne rang liste podnosilaca prijava koji ispunjavaju uslove za dodjelu sredstava za sufinansiranje mjere „utopljavanje“ objekata, za nabavku i ugradnje toplotne pumpe i za nabavku i ugradnju solarnih fotonaponskih sistema za napajanje toplotne pumpe.

Za prijave za koje se utvrdi da su neblagovremene, nepotpune, formalno neispravne ili da ne ispunjavaju opće uslove za dodjelu sredstava propisane Odlukom, Komisija za provođenje postupka po javnom pozivu za dodjelu sredstava sačinjava posebnu listu.

Sve navedene liste objavljuju se na oglasnoj tabli i web stranici Grada Tuzle, kao i oglasnim tablama mjesnih zajednica.

Na svaku od objavljenih listi podnosioci prijava mogu podnijeti prigovor Pomoćniku gradonačelnika Službe za prostorno uređenje i zaštitu okoline, u roku od 8 (osam) dana, računajući od dana objave liste na web stranici Grada Tuzle.

**Realizaciji mjera korisnici sredstava mogu pristupiti tek po zaključenju ugovora o sufinansiranju koji će sadržavati prava, obaveze i odgovornosti ugovornih strana.**

**Rok za implementaciju mjere koja je predmet sufinansiranja iznosi 90 dana računajući od dana zaključenja pojedinačnih ugovora sa korisnicima sredstava.**

Dodjela sredstava za sufinansiranje mjera poboljšanja energijske efikasnosti i smanjenja aerogađenja vrši se nakon što podnosilac prijave - korisnik sredstava, u roku utvrđenom u ugovoru o sufinansiranju, u potpunosti i o vlastitom trošku iste implementira i nakon što dostavi pismeni zahtjev za pregled implementiranih mjera, sa fiskalnim računom i fakturom koja glasi na ime korisnika sredstava za implementirane mjere koje su predmet sufinansiranja (a koji ne mogu biti starijeg datuma od datuma zaključenja ugovora), zatim, sa računom za izvršeni energijski pregled/audit objekta (za objekte u kojima se vrši „utopljavanje“ objekta ili nabavka i ugradnja toplotne pumpe), kao i dokazima o izvršenom plaćanju računa za implementirane mjere u formi izvoda iz banke ili u formi potpisane i ovjerene izjave isporučiooca kojom se potvrđuje da je od strane korisnika sredstava izvršena uplata prema fiskalnom račun, uz obavezno dostavljanje potvrde banke o otvorenom bankovnom račun korisnika na koji će se izvršiti uplata sredstava, te dostavljanje zapisnika o izvršenom tehničkom pregledu, izdat od operatora distributivnog sistema (za objekte u kojima se vrši nabavka i ugradnja solarnih fotonaponskih sistema za napajanje toplotne pumpe).

Potpuna implementacija mjere podrazumijeva da su stvoreni svi uslovi za početak korištenja ugrađene toplotne pumpe ili KTP kao uređaja za zagrijavanje objekta koji je predmet prijave na javni poziv. Kada je u pitanju mjera „utopljanje“ objekta, potpuna implementacija iste podrazumijeva da su implementirane sve mjere predložene u energijskom pregledu/auditu na koji je Komisija za pregled implementiranih mjera dala svoju prethodnu saglasnost, odnosno kada je u pitanju mjera nabavke i ugradnje solarnih fotonaponskih sistema za napajanje toplotne pumpe, potpuna implementacija podrazumijeva dostavljanje zapisnika o tehničkom pregledu izdat od operatora distributivnog sistema.

#### **V ROK I NAČIN PODNOŠENJA PRIJAVA NA JAVNI POZIV**

Javni poziv ostaje otvoren 15 (petnaest) dana, zaključno sa **danom 21.05.2026. godine**, a objavit će se na oglasnoj ploči i web stranici Grada Tuzle, kao i na oglasnim pločama mjesnih zajednica na području grada Tuzle.

Neblagovremene prijave se neće uzeti u razmatranje.

Prijave na javni poziv sa propisanom dokumentacijom dostavljaju se u zatvorenoj koverti putem Centra za pružanje usluga građanima (šalter sala Grada Tuzle) ili preporučeno poštom na adresu:

#### **GRAD TUZLA**

**Služba za prostorno uređenje i zaštitu okoline**

**Ulica ZAVNOBIH-a broj 11, 75000 Tuzla, Bosna i Hercegovina**

sa naznakom:

**„Prijava na Javni poziv za dodjelu sredstava za sufinansiranje mjera poboljšanja  
energijske efikasnosti i smanjenja aerozagađenja na području grada Tuzle“**

**NE OTVARATI“**

Sve dodatne informacije o načinu i postupku učešća u javnom pozivu mogu se dobiti u Službi za prostorno uređenje i zaštitu okoline Grada Tuzle, svakim radnim danom u terminu od 08:00 do 12:00 sati ili putem telefona +387 35 307 450.